

AMASGOIPELNEMGEOEI

Oetgittemeg ola agantieoing nanoeel elni galemeoingel misôgo pageoingga, peni nenoitelmet Oestaalg teli amasgoelnehos; tliisip santeoi Maoiôni mesgoinggeoei eogel alasotmapegiaganel ag angomatôgôl elnoôgtal ag pesge-mgeeel.

Ap gte agantieoing lapatoten psotgonel, tanel menagati geogonemegol gesg pôtitji alasotmanngel, tôgo sangeoi pematemngel gesg teoitamg gisna gigtôgoitamg, ag elp sepiitjapitjimegel gesg egitemeg gisna getapegiemg 'teli amamasgoipelnos Sesogoli' Gsagmamino. Getoi ogtji migoitetemoln tan Oestaalg teli pisgoas Selosalemng, pigoelneiseniga geseoli oitjelaseniga pematolisenel psotgonel ôlipoel gisna palneonel. Nigetj oegela gisna menagati hmatoneti gigenag, oetji angitelmeog Genisgamino teli amasgoipelnos.

Aptj gisgog minoitetemeneti mset oen miamoti oli ogsoatoti pageoinggeoei, tan santeoi Maoiôni telgimolgt 'Mset gtelceoti lamoti pagapogooten sig tóg neogt neogtipongegel; gemnieoti igôten sig tóg pageoinggel.' Pa sig nigetj metjitjig tapogol agantieoti gesgemeng iganog ptegeoiingga.

Ola ogtetjgeoei agantieoti teli msegig, teli sapeoig, teli msegotôgsig teli gotjinagig gtjagantieoti teloitemitis gisna sapeoig, logôoaganel, onmatjôgônei ag sagpigonemgeoei agantieoti ogtitj oegela pagalamogol teli nantaoegel ag eolitelsoetel tan hoi Nisgameoit teleges getoi ogsetaolgog. Oetji nsetemogo tan miamoti tli angitettesno oegela gtjipagalaotil tan telpitag ola agantieoti; me oli tgôtometinetj tesig el alamesel ag maol alasotmanngel, me oli soneoltinetj, me nengeoistotinetj, me oantagôltinetj ag siaoi migoitelmaneti Goestaalgomino.

Temg eta pisgoas Selosalemng oitjelaseniga negela psotgonel pematolisenel Tôgo Neoôoei getoi ngatemolgos ogtin ag omaltem petjili Aptjitimegeoitog ootsemaseniga onagapemga. Na nagoeg tóg minoi gsalaneti ag moloatemoaneti telgig petjili Aptjitimegeoi gistôgsep getoi ignemolgos tesig ogtinin. Gls sag pigoelgig teli mesoi anlapsoltisenig tan telpitagag galemeoingeg ola nagoeg oesgeoi mnenemitis apgoaltimegeoi ag gisi gemnieoltisenig. Tliatj mo gisgog teli mesoi pigitji anlapsoltineg, me sgato gimotog ngotel miamoti peantemeg anlapsin gesgemeng oeli tgôtomemeg gemnieoltigtog. Golaman, nigmatot, maol msegetanotig tesig el pagatoôgônanel ag melgitetemotig mo atelôlmineo elmiag; tôgo ipatji pagapogootig ag tamogo Oestaalg

gtapigsigtageoei: elp apôgônemeg) gigenag penôgoitelsoitigtog istege negeni Sesogoli getoi gsispatapenigel ogoat-oagal onagapemga.

Goetamoltig Sesos getoi egolanis glotjieoigtog negela gaganataolseogog, oetji apgoaltogsep mento temg teli oeni gtjipilmogog, mentoagigeoei aptjinemgeoei oetji toalgalnogsep. Mset oegela angitetemeneti, teli gsi onmatjitis, teli amasgoipelnos, teli gotatôgsep amalteti ag pegitnemeg ogtinin glotjieoei npeaganigtog. Menagati angistenogo tanel gisi notemôgôl natel teli; gsi emôgoalogo glotjieogtasit, eolitelmeog, moioalogo, osgagelmeog ag gsalogo tan telpitag.

Sapeoig gespeteg, tliisip gepmitetemeg Sesos otgôtageam, teli sag alasotmeoing teli gsalemitis oegela gtjipagalaotil tepsig ag nagoeg mo peni alasotmatigsemenig, tliatj mo atlasemoltogsepenig, tliatj mo mitjisoltigsepenig, migoitetemitis, ôgotj sigentastigtog, tan Sesos onpoganel ag otgôtageani gtjalasotmeoi ginogootigen gisi toitemeg, oetji nespi otgotalosenig ola Oestaalgol; oetji ponagsep ogtelceoltineo ag oetji gtoi igagsep ogminoi ogtitjinoltineo.

Gls sag etli sigent asoltisenig ola gotapageoingeg tanig penipongeg gisi ginamasoltisenig ag tliisip gisgatjôltisenig; gisgog pa sig telgig migoitetemoln tan teli ngi lapatemg samogoon sigentastieia. Tgôtomeneti tóg, na menagati angitetemeneti ag nigoitetemeneti tan teli melgapogootig, sigentastioeg. Tliisip elapatemg elp pitei posteo tan gonteoigtog oetjatasig oetji mosgatolg tan teli pill mimatjil Genisgamino; tôgo elp oetji oasôgoat-emgel pageoinggeoei gtjiasôgônemagan ag gtgel oasôgônemaganel, oetji neiatemgel Sesos minonsiteg ogesamogsokim.

OIEGOGMAG onamagig—oasôg, tepô 8 tes. 1909—Nigo nin, notjinen agnotemol tan tóganemigeg oelôitieg pa sig negetetjil epi gesinogoot, opogoninet. Sgeantog oelogoagtematitjig Inog, elrig tanig angôoelagatitjig tgôga ag tóg gelolgeg telatagatitj petjilio Plansoe Nepen tan oôgois nepatji ag tiageotji ag gionigal; teli nige tesipôol pegoateloatjel ag lapôotagan ag otapagn. Ngeti Egian San Patist oelateget angôoegtog. Ag tanig tjinemeg pogseteoegatigoei elnaganatgol eltoitjel ag eigig gopleoelatitjig elatitji teloitegtjil ninen tepoleoelogotig, ag alt teloitatitji melagetjômiôg, ag alt sinsagnemlôg.

Amgoes geptegag mgomi ola elme